

Sharciga lamba. 23 ee 2 Maarsu 1072.

Mamnuucidda Hawlaha Xirfadda Caafimaadka Dabeeecadda Gaarka leh.

GUDDOOMIYAH A GOLAHA SARE KACAANKA

Marka uu arkay Warqadda Koowaad Kacaankii 21 Oktoobar 1969;

Marka uu arkay Xeerka lamba. 1. ee 21 Oktoobar 1969;

Marka uu garowsaday in hawlaha caafimaadka ay yihiin kuwa meel sare kaga jira danta guud, ayna haboontahay in la hoos keeno ilaalinta Dawladda;

Sida uu ku taliyay Wasiirka Caafimaadka;

La dhagaystay Golaha Wasiirada;

Marka uu helay oggolaashaha Golaha Sare Kacaanka;

WUXUU MEELMARIYAY

Xeerka soo socda:

Qod. 1

Dhammaan hawlaha la xariira Caafimaadka Guud oo leh dabeeecad gaar ahaaneed waxaa la caddaynayaa in ay yihiin kuwa si gooniya ay Dawladda shaqa ku leedahay iyadoo ay qabanayso Wasaarada Caafimaadka.

Qod. 2

Waxaa reeban xirfad kasta oo caafimaad oo dabeeecad gaara leh isla markaana waxaa laga noqday dhammaan ruqsadahii iyo wixii u qalmid dhaqaatiirta, bukaan socotada iyo daaweyeyasha ka hawlali jiray meel ka baxsan isbitaallada Dawladda iyo Hay'adaha kale ee Dawladda.

Qod. 3

Shaqaalahaa caafimaadka Dawladda waxay ka hawlagali karaan keliya meelaha ay ka shaqeeyaan marka ay gudanayaan waajibaadkooda guud.

Qod. 4

Shaqaalahaa aan Dawladda u shaqayn, oo iyaga aanay saamaynayn reebitaanka qod. 2 ee Xeerkan, waxay codsan karaan in Wasaaradda Caafimaadka ay shaqaalayso haddii ay jirto baahi loo qabo oo loo qoondeeyo xilal gaara oo ay qaban karaan.

Qod. 5

Dekereeto uu soo saaro Wasiirka Caafimaadka ayaa lagu caddaynayaa taariikhda uu dhaqangalayo Xeerkaan iyo tallaaba kasta ee la xariirta dabbaqidda isla Xeerkaan. Dekereetadaas waxaa lagu faafinayaa Faafinta Rasmiga ee Jamhuuriyadda Demoqaraadoga Soomaaliya.

Qod. 6

Cid kasta oo ku xadgudubta wax qabadka hawlaha caafimaadka ee Xeerkaan --- oo aan ahayn gurmadka deg-degga -- haddii falku aanu keenay dambi ka culus waxaa ciqaabayaa xarig ah saddex illaa lix bilood, iyo ganaax ah Sh. Som. 1.000 illaa 2.000.

Qod. 7

Xeerkaan waxaa lagu faafinaya Faafinta Rasmiga ee Jamhuuriyadda Demoqaraadiga Soomaaliya.

Cid kasta waxa ku waajiba in ay u hoggaansanaato ka xeer Dawladeed ahaan.

Muqdisho, 2 Maars 1972.

Guddoomiyaha
Golaha Sare Kacaanka
S. Gaas Maxamed Siyada Barre